



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ  
Ո Ր Ո Շ ՈՒ Մ**

-- փետրվարի 2022 թվականի N°-Ա  
ք. Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ  
ԿԱՐԳԱՎՈՐՈՂ ՀԱՆՁՆԱԺՈՂՈՎԻ 2017 ԹՎԱԿԱՆԻ ՀՈՒԼԻՍԻ 12-Ի N°310Ա ՈՐՈՇՄԱՆ  
ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎԻ 2009  
ԹՎԱԿԱՆԻ ՓԵՏՐՎԱՐԻ 25-Ի N°51Ա ՈՐՈՇՈՒՄՆ ՈՒԺԸ ԿՈՐՑՐԱԾ ՃԱՆԱԶԵԼՈՒ  
ՄԱՍԻՆ**

Հաշվի առնելով՝

ա) «ԱՐՓԻՆԵՏ» սահմանափակ պատասխանատվությամբ ընկերության (այսուհետ՝ Ընկերություն) 2022 թվականի հունվարի 19-ի դիմումը, որով Ընկերությունը խնդրել է երկարաձգել իրեն տրամադրված հանրային ամրակցված հեռախոսային ցանցի ոչ աշխարհագրական կողերի և համարների զբաղեցման թույլտվության ժամկետը,

բ) Հայաստանի Հանրապետության հանրային ծառայությունները կարգավորող հանձնաժողովի (այսուհետ՝ նաև Հանձնաժողով) 2020 թվականի հունվարի 10-ի N°1Ա որոշումը, որի համաձայն՝ Ընկերության անվամբ է վերաձևակերպվել Հանձնաժողովի 2009 թվականի փետրվարի 25-ի N°51Ա որոշմամբ «ԱՐՄԻՆԿՈ» սահմանափակ պատասխանատվությամբ ընկերությանը տրամադրված և 2018 թվականի հուլիսի 17-ի N°287Ա որոշմամբ «ԻՆՏԵՐՆԵՏ ԿՈՄՈՒՆԻԿԱՑԻԱՆԵՐ» սահմանափակ պատասխանատվությամբ ընկերության անվամբ վերաձևակերպված հանրային ամրակցված հեռախոսային ցանցի միջազգային ազդակների հանգույցի կողի, ոչ աշխարհագրական կողերի և համարների զբաղեցման թույլտվությունը, և

հիմք ընդունելով «Էլեկտրոնային հաղորդակցության մասին» օրենքի 13-րդ հոդվածը, «Նորմատիվ իրավական ակտերի մասին» օրենքի 1-ին հոդվածի 2-րդ մասը, 33-րդ, 34-րդ հոդվածները, «Հանրային ծառայությունները կարգավորող մարմնի մասին» օրենքի 19-րդ հոդվածի 2-րդ մասը և նպատակ ունենալով միավորել Ընկերությանը տրամադրված համարային ռեսուրսները մեկ միասնական թույլտվության մեջ՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Հանձնաժողովի 2017 թվականի հուլիսի 12-ի «ԱՐՓԻՆԵՏ» սահմանափակ պատասխանատվությամբ ընկերությանը հանրային ամրակցված հեռախոսային ցանցի ոչ աշխարհագրական կողերի և համարների զբաղեցման թույլտվություն տրամադրելու մասին» N°310Ա որոշման՝
  - 1) վերնագիրը շարադրել հետևյալ խմբագրությամբ.  
«ԱՐՓԻՆԵՏ» սահմանափակ պատասխանատվությամբ ընկերությանը համարների և կողերի զբաղեցման թույլտվություն տրամադրելու մասին».
  - 2) 1-ին կետը շարադրել հետևյալ խմբագրությամբ.  
«1. Թույլատրել «ԱՐՓԻՆԵՏ» սահմանափակ պատասխանատվությամբ ընկերությանը մինչև 2032 թվականի փետրվարի 8-ը Հայաստանի Հանրապետության տարածքում զբաղեցնելու հանրային ամրակցված հեռախոսային ցանցի միջազգային ազդակների հանգույցի կող, ոչ աշխարհագրական կողեր և նրանց համարային շարքերն ու կարճ կողով ծառայությունների համարներ:».
  - 3) 2-րդ կետով հաստատված հավելվածը շարադրել նոր խմբագրությամբ՝ համաձայն հավելվածի:
    2. Ուժը կորցրած ճանաչել Հանձնաժողովի 2009 թվականի փետրվարի 25-ի «ԱՐՄԻՆԿՈ» սահմանափակ պատասխանատվությամբ ընկերությանը հանրային ամրակցված հեռախոսային ցանցի ոչ աշխարհագրական կողի և համարների զբաղեցման թույլտվություն տրամադրելու մասին» N°51Ա որոշումը:
    3. Սույն որոշումն ուժի մեջ մտնելու պահից երկամսյա ժամկետում կարող է բողոքարկվել Հանձնաժողով կամ Հայաստանի Հանրապետության վարչական դատարան, և դրա բողոքարկումը չի կասեցնում որոշման գործողությունը կամ կատարումը:
    4. Սույն որոշումն ուժի մեջ է մտնում 2022 թվականի փետրվարի 8-ից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ  
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ  
ՀԱՆՁՆԱԺՈՂՈՎԻ ՆԱԽԱԳԱՀ՝**

**Գ. ԲԱՂՐԱՄՅԱՆ**